



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Capvt VII. Innocent. III. R. Archipresbytero, & Magistro Scholarum, & P. de  
Vico, Canonico sancti Astregisili (a) Bituricensis.

---

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

quinto Capitulo. Nec obstat secunda diffi-  
cultas, pro cuius solutione discrimen est con-  
stituendum inter consuetudinem rationabilem,  
legitimeque præscriptam; & inter injustam, nec  
rite præscriptam. Prima obseruanda est, se-  
cunda vero improbatur, ex dicto cap. i. jun-  
ctis ibi adducit: unde cum in præmio sup-  
ponatur, consuetudinem esse rationabilem, legi-  
timeque præscriptam, ideo docetur eam esse  
obseruandam.

10. Superiori assertioni obstat texsus in cap. ex  
litteris 7. de iurepatron. in illis verbis: Postmo-  
dum Abbatissæ p[ro]p[ri]etatis monasteriorum præfensi-  
onem eidem. Ex quibus aperte deducitur, Abba-  
tissam clericum ad Ecclesiastam præsentans absque  
consensu Capituli: igitur quia Prælatus per se,  
etiam irrequisito Capitulo clericum præsentare  
potest. Agnovit difficultatem Lambertinus de  
iurepatron. lib. 2. p. i. que[st]. 2. art. 12. num. 2. & 3.  
qui afficit verba illa non esse Pontificis de-  
cidentes, sed partis allegantis. Verum facilius  
r[es]ponperi potest assertendo, præsentationem  
faciam sine assentu Capituli, nullam esse; atta-  
men dum aliud non constat, præsumi in præ-  
sentationibus Prælatorum, quod finit de colle-  
gorum suorum assentu; unde eti dicatur in di-  
cto cap. ex litteris, simpliciter Abbatissam præ-  
sentans, hoc tamen præsumptione juris sic in-  
telligi poterit, quod eruditè observavit San-  
chez lib. 7. moral. cap. 14. num. 7. & ex eo Bar-  
bola b[ea]ta.

11. Difficilis etiam redditur Innocentii III. deci-  
sio relata in cap. edoceri 21. de re scriptis; ubi as-  
tentur, quod si in causa, vel litigio, quod per-  
mit ad Abbatem, & conventum simul, quis  
litteras impetrat adversus Abbates, nullâ ha-  
bita mentione de suis conventibus, tenentur  
Abbates ipsis querelantibus respondeere. Verba  
Innocentii sunt sequentia: Ita ut non possint dicti  
Abbates per se tueri appellationem, quoniam re-  
sonant. Ex quibus deducitur difficultas, quod,  
ut certat ex Cœlestini nostri decisione, quam  
exponimus, quando est actus communita-  
tis, non valer Abbas per se ad beneficium præ-  
sestare, aliumve actum exercere; ita similiter

## CAPVT VII.

Innocent. III. R. Archipresbytero, & Magistro Scholarum, & P. de  
Vico, Canonico sancti Astregisili (a) Bituricensis.

**C**üm Apostolica Sedes, cui (licet immoriti) præsideamus, universis per orbem  
Ecclesias non humanâ, sed divina sit institutione prælata, justum est, & con-  
veniens, ut ad eam tanquam ad magistrum, & matrem super diversis juris antiqui  
referantur dubiae quæstiones, ut quæ jura constituit, eadem quoque jura distin-  
guat, ne quæ diversa cernuntur, videantur aduersa. Sane (sicut ex litteris vestris  
acceptis) cùm ex una parte Capitulum (anæti (b) Stephani, & Capitulum de (c)  
Salis; & ex altera Monachi de (d) Pratea super decima quadam, quam à monachis  
ipsis petebant, in vestrum compromisissent arbitrium, & vos partibus convocatis  
cognolceretis de causa: Monachi proponebant ordinationem ipsius decimæ sibi  
à quodam milite factam, & venerabilis fratr[is] nostri N. Bituricen. Archiepisco-  
pi, diocesanij ejus accedente consensu confirmatam fuisse; seque auctoritate (e)  
Hieronymi munitos existere, qui scribens ad Damatum ait: Si aliquando fuerint

à laicis male detenta, quæ divini juris esse noscuntur, & in usum transierint monas-  
chorum, Episcopo tamen loci illius præbente consensum, constabat eis omnia  
perpetuā firmitate subnixa. Econtra pars allegabat adversa, consensum Episco-  
pi sine Cleri consensu minus sufficere, auctoritate Leonis Papæ dicentis: Ne quis  
Episcopus de rebus Ecclesiæ quicquam donare, vel commutare, vel vendere au-  
deat, nisi forte aliquid horum faciat, ut meliora prospiciat, & cum totius Cleri  
consensu, atque tractatu id eligat, quod non sit dubium Ecclesiæ profuturum.  
Quia vero super his auctoritatibus dubitantes Sedem Apostolicam consulere vo-  
lueris, humiliter inquirentes, utrum quando decima possidetur à laico, si confe-  
ratur Ecclesiæ, ad confirmandam donationem consensus Episcopi sine Cleri con-  
sensu sufficiat: nos devotioni vestrae taliter respondemus, quod monendum est qui  
decimam detinet, ut eam restituat Ecclesiæ, ad quam spectat. Quod si forsitan in-  
duci nequierit, & eam cum diœcesani consensu alteri Ecclesiæ assignarit, pre-  
sertim religioso conventui, constabit ipsa donatio perpetuā firmitate subnixa. Au-  
toritates enim præmissæ, licet diversæ, (f) non sunt tamen adversæ, cum aliud sit  
alienare quod ab Ecclesia posidetur; & aliud quod detinetur à laico, ad usum  
ecclesiasticum revocare. In alienatione vero, juxta (g) Leonis Papæ decretum, con-  
sensus Episcopi sine Cleri consensu non sufficit. In revocatione autem [juxta re-  
sponsum Hieronymi] sufficit consensus Episcopi, cum per utrumque utilitati eccle-  
siasticæ consulatur. Nam & in (h) Lateranen. Concilio est inhibitum, ne quælibet re-  
ligiosa persona Ecclesiæ, & decimas de manibus laicorum, sine consensu Episcoporum  
recipiat: per quod recte datur intelligi, quod sufficit consensus Episcopi, ut  
licitum sit Ecclesiæ decimam de manu recipere laicali. Datum Romæ, &c. Non.  
Julii, Pont. nostri anno (i) primo.

## NOTÆ.

(a) *Bituricensi.*) Ita etiam legitur in cap. 1. sub  
titulo *de his, que conceduntur sine consen-  
su Capituli, in 3. collect.* & in ipsi epistolis In-  
nocentii IIII, editis à Sireto, fol. 142. Et licet  
Glossa marginalis pro *Archipresbytero*, legat  
*Archiepiscopo*, audienda non est; nam tempori-  
bus Innocentii IIII, Bituricenses Praesules fue-  
runt Guillelmus, & Gerardus, non autem R.  
ut hinc legitur: quare retinenda est lectio At-  
chiphysbyteri, ut hic habetur. De Bituricensi  
Ecclesia plura adduxi in cap. final. de majorit.  
Ego.

(b) *Capitulum sancti Stephani.*) Ipsius videlicet  
Ecclesia Cathedralis, quæ est Protomartyri Ste-  
phano dicata.

(c) *Et Capitulum de Salis.*) Id est, D. Maria de  
Salis, quæ est Ecclesia Collegiata in ipsa urbe  
Bituricensi, ut refert Chenu in serie *Præsalum  
ipsius Ecclesie.*

(d) *De Pratea.*) Pratea est monasterium Ordini-  
nis Cisterciensium, in diœcesi Bituricensi, lex  
leucis distans ab Avarico; cuius monasterii me-  
minit Robertus Claudio in catal. monasteriorum  
Gallia, per hæc verba: *Pratea Ordinis Cistercien-*

*sis, diœcesis Bituricensis, fundatum anno 1145,  
quarto idus Novemboris.* Et ex eo idem referunt  
Illustrissimus Mantique tom. 2. annal. Cisterciens.  
anno 1145, cap. I. fol. 21. num. 8. Frates Sarmati-  
tani tom. 4. *Galla Christiana* fol. 756. Eius mo-  
nasterii Abbatæ unita fuit alia Abbattia de Bo-  
codagoberti, ut referunt Frat. Sarmat. ubi pro-  
xime.

(e) *Divi Hieronymi.*) Relati in cap. final. 16.  
quaest. 1.

(f) *Diversæ non sunt.*) Separant enim saepè  
sepius juris Auctores adversas sententias à diver-  
sis, l. 3. ff. ut legat. nomine.

(g) *Leonis Papaæ.*) In cap. sine exceptione, 12.  
question 2. cujus integra extat tom. 1. *Bullarii*,  
fol. 12.

(h) *Lateranen. Concilio.*) Relato in cap. pro-  
hibemus, de decimis, ubi textum hunc expo-  
nemus.

(i) *Anno primo.*) Qui fuit Christi 1199. Post  
hæc verba, tam in tercia, quam in sexta collectio-  
ne leguntur illa: *Hec autem de his decimis intelli-  
gimus, quæ perpetuo sunt in feudum concessæ.* Sed  
in ipsa epistola edita à Sireto non repertur,  
& recte, ut dicimus in dicto cap. prohibemus, &  
in cap. 2. de donat.

## CAPVT VIII.

Idem (a) Metensi Archid.

**T**UA nuper. *Et infra:* Adjecisti etiam, utrum Episcopo, vel electo, cum solo  
Archid. præter assensum majoris Ecclesiæ, cum ab ipsa eligatur (b) Episcopus,  
& Archidiaconus assumatur de ipsa, Cœnobio, vel Ecclesiæ conventionalibus, ad  
quas jus pertinet patronatus, liceat conferre perpetuæ vacantes Ecclesiæ (c) baptis-  
tales. *Et infra:* Alterius etiam questionis solutio ex epistola Leonis Papæ collig-  
itur evidenter, in qua legitur: *Ne quis Episcopus de rebus Ecclesiæ quicquam do-  
nare*